

也歷代方士或忘命攀緣而上捫蘿踐草有若猿猴傍觀心  
膽爲碎田朝至暮將及洞門纔離數丈必有非常之風透體  
徹骨冷如冰雪不容前進仍洞府之限正如崑崙又若蓬島  
上闕下歛無階而升不過引手叩頭而返嗟乎仙聖異境非  
身能輕舉者豈造次到哉

雷洞在第一峯之陰嵌空懸絕四山瞻望無路可通天將雨霧  
則雷洞之間雲升一縷有若飛煙須臾蔚冥彌漫八表風雨  
立至雷電交馳神化倏焉莫測其妙謹按太玄仙品明科經  
略云淳邱王郭三仙真君主隸掌吳楚分野人民生死罪福  
五穀豐歉水旱等籍故有仙官三十六員雷神諸司千將萬

道藏輯要

三仙事實

五

翼集六

兵各領其職也昔有塑工李某者自山上而下至中途忽見  
黑雲奔湧中隱隱如雷漸近霹靂一聲雲氣中間見雷神徧  
身皆青握斧駕車如是者三魂飄颺驚怖倒地及抵山下乃  
知一雨滂沱時山上日出纖雲亦無今麻溪溪上有雷公嶺  
亦二真驅雷之地

四

煎茶凹乃淳邱王郭三真於此烹茶迄今名存

血木凹乃王郭二真遣將吏收縛誅斬精魅之處血射其木所  
以名之距正壇七里

臺